

ხელშეკრულება N 030715/8
სახელმწიფო შესყიდვის შესახებ

ქ. თბილისი

3 ივლისი 2015 წელი

ერთი მხრივ, ა(ა)იპ - ევროპის ახალგაზრდული ოლიმპიური ფესტივალის თბილისი 2015-ს საორგანიზაციო კომიტეტი, წარმოდგენილი მისი თავმჯდომარის, ალექსი ახვლედიანის სახით (შემდგომში წოდებული, როგორც „შემსყიდველი“)
მისამართი: საქართველო, თბილისი, ძველი თბილისის რაიონი, მაჭაბლოს ქ. №11;
საიდენტიფიკაციო კოდი: 404404211;

მეორე მხრივ, სს „Hualing international special economic zone“ წარმოდგენილი მისი დირექტორის სიაოჩინ შაო სახით (შემდგომში წოდებული, როგორც „მიმწოდებელი“)
მისამართი: საქართველო, თბილისი, ისან-სამგორის რაიონი, ჯუმბერ ლეჟავას #22
საიდენტიფიკაციო კოდი: 404934381
საბანკო რეკვიზიტები: სს „ბაზის ბანკი“, CBASGE22, ა/ა GE03BS0000000069536111

ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ვ“ ქვეპუნქტის შესაბამისად, ვადასტურებთ, რომ გამარტივებული შესყიდვის საშუალებით ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საერთო პირობები

- 1.1. ხელშეკრულებაში გამოყენებულ ტერმინებს აქვთ შემდეგი მნიშვნელობა:
 - 1.1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) შემსყიდველ ორგანიზაციასა და მოლაპარაკების შედეგად შერჩეულ პირს შორის დადებული ხელშეკრულება, რომელიც ხელმოწერილია მხარეთა მიერ.
 - 1.1.2. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულებისათვის.
 - 1.1.3. „შემსყიდველი ორგანიზაცია“ (შემდგომში - „შემსყიდველი“) - ორგანიზაცია (დაწესებულება), რომელიც ახორციელებს შესყიდვას.
 - 1.1.4. „მიმწოდებელი“ ნიშნავს პირს, რომელიც შემსყიდველთან მოლაპარაკების საფუძველზე აწვდის საქონელს/მომსახურებას მოცემული ხელშეკრულების ფარგლებში.
 - 1.1.5. „შესყიდვის ობიექტი“ - ხელშეკრულების მე-2 მუხლით გათვალისწინებული ხელშეკრულების საგანი.
 - 1.1.6. „დღე“, „კვირა“, „თვე“ ნიშნავს კალენდარულ დღეს, კვირას, თვეს;
 - 1.1.7. ფესტივალი - ქ. თბილისში, 2015 წლის 26 ივლისიდან 1 აგვისტოს ჩათვლით დაგეგმილი ევროპის ახალგაზრდული ოლიმპიური ფესტივალი თბილისი 2015.

მუხლი 2. ხელშეკრულების საგანი

- 2.1. წინამდებარე ხელშეკრულების საფუძველზე მიმწოდებელი უზრუნველყოფს შემსყიდველისათვის სასტუმროს მომსახურების გაწევას (შემდგომში - მომსახურება; *CPV: 55100000 - სასტუმროს მომსახურება*) შემსყიდველის მიერ წინასწარ შეთანხმებული თარიღის, სტუმრების რაოდენობისა და წინამდებარე ხელშეკრულების დანართი N1-ით განსაზღვრული პირობების შესაბამისად.
- 2.2. სასტუმროს მომსახურების პირობები განისაზღვრება წინამდებარე ხელშეკრულების დანართი N1-ით.

მუხლი 3. მხარეთა უფლებები

3.1. „მიმწოდებელს“ უფლება აქვს:

3.1.1. მოსთხოვოს შემსყიდველს შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად;

3.1.2. მოსთხოვოს შემსყიდველს ხელშეკრულებით გათვალისწინებული ვალდებულებების შესრულება.

3.2. „შემსყიდველს“ უფლება აქვს:

3.2.1. მოითხოვოს შესყიდვის ობიექტის მიწოდება და წინამდებარე ხელშეკრულებით განსაზღვრული ვალდებულებების შესრულება სრულად და ჯეროვნად, დათქმულ დროსა და ადგილას, ხელშეკრულებით გათვალისწინებული ხარისხის, რაოდენობის/მოცულობის, მახასიათებლებისა და ვადის შესაბამისად.

3.2.2. მოსთხოვოს მიმწოდებელს ხელშეკრულებით ნაკისრი ვალდებულებების შეუსრულებლობის ან/და არაჯეროვანი შესრულებით გამოწვეული ზიანის ანაზღაურება;

3.2.3. წერილობითი (მათ შორის ელ. ფოსტის მეშვეობით) ან/და ზეპირი ფორმით მისცეს მითითებები მიმწოდებელს ვალდებულებათა შესრულების თაობაზე. ამ სახით განხორციელებული მითითებები სავალდებულოა შესასრულებლად და წარმოადგენს წინამდებარე ხელშეკრულების ნაწილს, თუ მითითება განხორციელდა ხელშეკრულებით განსაზღვრული კონტროლის განხორციელებაზე უფლებამოსილი პირების მიერ.

3.2.4. აწარმოოს ხელშეკრულების პირობების შესრულების კონტროლი.

მუხლი 4. მხარეთა ვალდებულებები

4.1. „მიმწოდებელი“ ვალდებულია:

4.1.1. დადგენილ ვადებში უზრუნველყოს მომსახურების გაწევა ხელშეკრულებით დადგენილი პირობების შესაბამისად.

4.1.2. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

4.1.3. დაუყოვნებლივ აცნობოს შემსყიდველს წინამდებარე ხელშეკრულებით ნაკისრი ვალდებულებების შესრულების შეუძლებლობის ან შესრულების სავარაუდო დაგვიანების თაობაზე;

4.1.4. ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში და განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

4.1.5. საკუთარი რესურსითა და ხარჯით აღმოფხვრას ხარვეზი, რომელიც გამოვლინდება საქონლის მიწოდებისა და მომსახურების გაწევისას. ხარვეზის აღმოფხვრისათვის შემსყიდველი მიმწოდებელს განუსაზღვრავს გონივრულ ვადას. აღნიშნული ვადის გასვლის შემდგომ შემსყიდველი უფლებამოსილია თავად გამოასწოროს ხარვეზი (ნაკლი). ხარვეზის აღმოფხვრისას შემსყიდველის მიერ გაწეული ხარჯი გამოიქვითება მიმწოდებლისათვის ასანაზღაურებელი თანხიდან. იმ შემთხვევაში, თუ ხარვეზის (ნაკლის) აღმოფხვრა შეუძლებელია ან დაკავშირებულია დიდ ძალისხმევასთან და შეუსაბამოდ ხანგრძლივ ვადებთან, შემსყიდველი უფლებამოსილია აღნიშნული ხარვეზის (ნაკლის) მქონე მომსახურების ღირებულება გამოქვითოს მიმწოდებლისათვის ასანაზღაურებელი თანხიდან და მოითხოვოს ხელშეკრულების შეწყვეტა;

4.1.6. კანონმდებლობით გათვალისწინებული სავალდებულო შემთხვევების გარდა, არ გაამჟღავნოს, არ გადასცეს მესამე პირს ან სხვა სახით არ დაუშვას წინამდებარე სახელშეკრულებო ურთიერთობის საფუძველზე შემსყიდველისა და აღნიშნული ხელშეკრულების შესახებ ან/და მისგან გამომდინარე მისთვის გადაცემული ნებისმიერი ინფორმაციის გავრცელება, მიუხედავად ინფორმაციის წერილობითი თუ ზეპირი ფორმისა. აღნიშნული ინფორმაციის კონფიდენციალურობის დაცვის ვალდებულება ვრცელდება ასევე ნებისმიერ პირზე, რომელიც მიმწოდებლის მხრიდან მონაწილეობას იღებს წინამდებარე ხელშეკრულებით ნაკისრი ვალდებულებების შესრულებაში. ინფორმაციის კონფიდენციალურობის დაცვის ვალდებულება ძალაში შედის ხელშეკრულებაზე ხელის მოწერისთანავე და მოქმედებს იქამდე, ვიდრე შემსყიდველი მისი გაუქმების თაობაზე არ გამოხატავს წერილობით თანხმობას. მიმწოდებლის ან/და ამ პუნქტით განსაზღვრული ნებისმიერი პირის მიერ ამ ვალდებულების დარღვევის შემთხვევაში მიმწოდებელი პასუხს აგებს ამ ხელშეკრულებითა და საქართველოს კანონმდებლობით დადგენილი წესით.

4.1.7. შემსყიდველის მოთხოვნისთანავე, ნებისმიერ დროს მიაწოდოს ინფორმაცია ვალდებულებათა შესრულების მიმდინარეობის შესახებ;

4.2. მიმწოდებელი აცხადებს, რომ გააჩნია შესაბამისი კვალიფიკაცია და გამოცდილება ხელშეკრულებით განსაზღვრული შესყიდვის ობიექტის მიწოდების სფეროში.

4.3. „შემსყიდველი“ ვალდებულია:

4.3.1. უზრუნველყოს „მიმწოდებლისათვის“ ხელშეკრულების ღირებულების გადახდა წინამდებარე ხელშეკრულების პირობების შესაბამისად.

4.3.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

მუხლი 5. ხელშეკრულების ღირებულება

5.1. ხელშეკრულებით განსაზღვრული სასტუმრო მომსახურების საორიენტაციო ღირებულება შეადგენს 25396.75 (ოცდახუთი ათას სამოცდათექვსმეტი აშშ დოლარი სამოცდათხუთმეტი ცენტი) აშშ დოლარის ექვივალენტურ თანხას ლარში, გადახდის დღეს საქართველოს ეროვნული ბანკის მიერ დადგენილი ოფიციალური გაცვლითი კურსის შესაბამისად.

5.2. ხელშეკრულების ღირებულება მოიცავს მიმწოდებლის ყველა ხარჯს და კანონმდებლობით გათვალისწინებულ ყველა გადასახადს.

მუხლი 6. ანგარიშსწორების წესი

6.1. შემსყიდველის მიერ მიმწოდებლისათვის ასანაზღაურებელი თანხა დაზუსტდება დანართი N1-ის 1.3. პუნქტის შესაბამისად, შემსყიდველის მიერ დაზუსტებული ნომრების რაოდენობის შესაბამისად. დაზუსტება შესაძლებელია განხორციელდეს ხელშეკრულების 3.2.3. პუნქტის შესაბამისად.

6.2. შემსყიდველი იღებს ვალდებულებას, აუნაზღაუროს მიმწოდებელს ამ მუხლის 6.1. პუნქტით განსაზღვრული წესით დაზუსტებული ხელშეკრულების ჯამური ღირებულების 30% არაუგვიანეს 2015 წლის 20 ივლისისა წინასწარ, ავანსის სახით.

6.3. დარჩენილი თანხა მიმწოდებელს აუნაზღაურდება ფაქტობრივად გაწეული მომსახურების შესაბამისად, მხარეთა შორის მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

6.4. ანგარიშსწორების ვალუტა – ლარი, გადახდის დღეს ეროვნული ბანკის მიერ დადგენილი ოფიციალური გაცვლითი კურსის შესაბამისად.

6.5. გადახდის ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად;

მუხლი 7. მომსახურების გაწევის ადგილი, ვადები და მიღება-ჩაბარების წესი

7.1. ხელშეკრულებაში განსაზღვრული პირობების შესაბამისად მომსახურების გაწევა უნდა განხორციელდეს ქ. თბილისში, ვაზისუბნის დასახლება მე-3 მ/რ-ში, მდებარე სასტუმრო „Preference hualing Tbilisi“, შემსყიდველი მიერ განსაზღვრული და წინასწარ შეთანხმებული ვადის განმავლობაში, დანართი N1-ით განსაზღვრული პირობებით.

7.2. მომსახურების გაწევისას მიმწოდებელი ვალდებულია უზრუნველყოს ყველა შესაბამისი ფინანსური დოკუმენტაციის წარდგენა შემსყიდველისათვის.

7.3. შესყიდვის ობიექტი ჩაითვლება მიღებულად მას შემდეგ, რაც მხარეებს შორის გაფორმდება მიღება-ჩაბარების აქტი. მიღება-ჩაბარების აქტი ფორმდება შესაბამისი ფინანსური დოკუმენტაციის წარდგენის შემდეგ.

მუხლი 8. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა მიერ ხელის მოწერის დღიდან და მოქმედებს მხარეთა მიერ ვალდებულებათა სრულად შესრულებამდე.

მუხლი 9. ხელშეკრულების პირობების შესრულების კონტროლი

9.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

9.2. ხელშეკრულების პირობების შესრულების კონტროლს განახორციელებს ა(ა)იპ – „ევროპის ახალგაზრდული ოლიმპიური ფესტივალის თბილისი 2015-ს საორგანიზაციო კომიტეტის“ განთავსების დეპარტამენტის უფროსი - ზაზა ხაზალია და განთავსების დეპარტამენტის უფროსის მოადგილე - ლევან ჯაფარიძე.

მუხლი 10. ხელშეკრულების შეწყვეტა

10.1. ხელშეკრულება შეიძლება შეწყვეტილ იქნეს:

ა) წინამდებარე ხელშეკრულებით ნაკისრი ვალდებულებების შესრულებით.

ბ) მხარეთა შეთანხმებით.

გ) ცალმხრივად, ერთი მხარის ინიციატივით, თუ მეორე მხარე დაარღვევს ხელშეკრულებით ნაკისრ ვალდებულებას; ასეთ შემთხვევაში, ხელშეკრულების შეწყვეტის ინიციატორი მხარე თავდაპირველად წერილობით განუხადვრავს მეორე მხარეს ვალდებულების შესრულების გონივრულ ვადას და ატყობინებს, რომ ამ ვალდებულების შეუსრულებლობის შემთხვევაში შეწყდება ხელშეკრულების მოქმედება. დამატებითი ვადის განსაზღვრა არ არის სავალდებულო, იმ შემთხვევაში, თუ აშკარაა რომ ამ ვადაშიც ვერ შესრულდება ნაკისრი ვალდებულება;

დ) საქართველოს მოქმედი კანონმდებლობით და ამ ხელშეკრულებით გათვალისწინებულ სხვა შემთხვევებში.

მუხლი 11. მხარეთა მიერ ვალდებულებების შეუსრულებლობა

11.1. მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქართველოს კანონმდებლობის შესაბამისად.

11.2. თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებას, მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

11.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელის მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით, საქართველოს კანონმდებლობის შესაბამისად.

მუხლი 12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელწიფო გადატრიალება და სხვ.).

12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიწვიოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

მუხლი 13. ხელშეკრულების პირობების გადასინჯვის წესი

13.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

13.2. ამ ხელშეკრულების 13.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

13.3. გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

13.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას 10%-ზე მეტი ოდენობით ან შემსყიდველისათვის ხელშეკრულების პირობების გაუარესებას.

მუხლი 14. ხელშეკრულებაში ცვლილებებისა და დამატებების შეტანის წესი

14.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

14.2. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით, მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

მუხლი 15. ხელშეკრულების შესრულების შეფერხება

15.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ 10 (ათი) დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

15.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

მუხლი 16. სადავო საკითხების გადაწყვეტა

16.1. „შემსყიდველმა“ და „მიმწოდებელმა“ ხელშეკრულების ან მასთან დაკავშირებული გარემოებების ირგვლივ წარმოშობილი ყველა უთანხმოება და დავა უნდა მოაგვარონ ურთიერთშეთანხმების გზით.

16.2. მხარეებს, სადავო საკითხის შეთანხმების გზით მოგვარების შეუძლებლობის შემთხვევაში კანონმდებლობით დადგენილი წესით, შეუძლიათ მიმართონ სასამართლოს.

მუხლი 17. ხელშეკრულების ენა

17.1. ხელშეკრულება და მასთან დაკავშირებული ყველა მოლაპარაკებები და სხვა დოკუმენტაცია, რომლებიც გაიცვლება მხარეთა შორის, ფორმდება ქართულ და ინგლისურ ენაზე. ქართულ და ინგლისურ ტექსტებს შორის შეუსაბამობის არსებობის შემთხვევაში უპირატესობა მიენიჭება ქართულ ეგზემპლარს.

მუხლი 18. განსაკუთრებული პირობები

18.1. ხელშეკრულება შედგენილია თანაბარი იურიდიული ძალის მქონე ორ ეგზემპარად, თითოეული ყოველი მხარისათვის.

18.2. ყველა დანართი, რომელიც თან ერთვის წინამდებარე ხელშეკრულებას წარმოადგენს მის განუყოფელ ნაწილს და განიხილება ხელშეკრულებასთან ერთად. იმ შემთხვევაში, თუ წარმოიშობა რამე სახის წინააღმდეგობა ხელშეკრულებასა და მის დანართებს შორის უპირატესობა ენიჭება ხელშეკრულებაში მოცემულ პირობებს.

შემსყიდველი:

იკ – ევროპის ახალგაზრდული ოლიმპიური ფესტივალის თბილ
2015-ს საორგანიზაციო კომიტეტი



ალექსი ახვლედიანი
თავმჯდომარე

მიმწოდებელი:

სს “Hualing international special economic zone”



1. სასტუმროს მომსახურების პირობები

სასტუმრო „Preference hualing Tbilisi“- მდებარე ქ. თბილისში, ვაჟისუბნის დასახლება მე-3 მ/რ

მომსახურების ტიპი	პერიოდი	ჯამი
Standard King	03.07 – 03.08	13593,25 USD
საბანკეტო მომსახურება	08.07 - 01.08	11583,55 USD
დამატებითი კვება	21.07 - 02.08	219,95 USD

სულ : 25 396,75 USD

1.1. სასტუმროს მომსახურების ღირებულებაში შედის საუზმე.

1.2. სასტუმროში შესვლის პერიოდია (check in) 14:00 სთ; სასტუმროს დატოვების დროა (Check out) 12:00 სთ.

- 6:00 სთ-დან 10:00 სთ-მდე სტუმრის მისვლის (check in) შემთხვევაში, ნომრის დღიურ ღირებულებას დაემატება 50%;

- 12:00 სთ-დან 18:00 სთ-მდე სტუმრის მიერ სასტუმროს ნომრის დატოვების შემთხვევაში (Check out), ნომრის დღიურ ღირებულებას დაემატება 50%;

- 18:00 სთ-ის შემდგომ სტუმრის მიერ სასტუმროს ნომრის დატოვების შემთხვევაში (Check out), ნომრის დღიურ ღირებულებას დაემატება 100%;

1.3. სასტუმროს ნომრების ჯავშნის გაუქმება - შემსყიდველის მიერ სასტუმროს ნომრის ჯავშნის გაუქმება დასაშვებია არაუგვიანეს შესაბამის თარიღამდე 72 საათისა. აღნიშნული ვადის ჩათვლით შესყიდველი უფლებამოსილია დააზუსტოს დაჯავშნილი ნომრების რაოდენობა (შეამციროს, გაზარდოს (ასეთის შესაძლებლობის შემთხვევაში) ან გააუქმოს). ოთახების სია, ჯგუფის თითოეული წევრის სახელის და გვარის მითითებით, თითოეულ ოთახში განსათავსებელ პირთა რაოდენობა (ერთ ადგილიანი, ორ ადგილიანი და ა. შ.) უნდა იქნეს მიწოდებული აღნიშნული პერიოდის განმავლობაში, თუ მხარეთა შეთანხმებით სხვა რამ არ არის დადგენილი.

1.4. უსაფრთხოების ვალდებულება

მიმწოდებელი სრულად იცავს ხანძრუსაფრთხოებას და უსაფრთხოების წესებს, უზრუნველყოფს ტექნიკური აღჭურვილობის და სტუმრების დაცვის რეგულარულ კონტროლს, სტუმრების უსაფრთხოების და ჰიგიენის მაღალი სტანდარტების უზრუნველყოფის მიზნით. „მიმწოდებელი“ ახორციელებს „შემსყიდველისთვის“ შესაბამისი შეტყობინების გაგზავნას, მომსახურების გაწევის დროს სასტუმროში მიმდინარე სარემონტო, სარეკონსტრუქციო სამუშაოების შესახებ.

1.5. ტექნიკური და სხვა აღჭურვილობის გამოყენების წესი

შემსყიდველი უფლებამოსილია გამოიყენოს საკუთარი ელექტრომოწყობილობები, „მიმწოდებლის“ ელექტროქსელთან მიერთების საშუალებით, ამ უკანასკნელის წინასწარი თანხმობით და მას ეკისრება პასუხისმგებლობა ნებისმიერი დაზიანების ან დენის მიწოდების შეფერხების შემთხვევაში, რაც გამოწვეულია „შემსყიდველის“ მოწყობილობების გამოყენებით. „შემსყიდველი“ უფლებამოსილია მომსახურების გაწევის განმავლობაში სასტუმროს ტერიტორიაზე განათავსოს ფესტივალის, მისი დამფუძნებლის ან/და პარტნიორი პირების ლოგო, სავაჭრო ნიშანი ან/და სხვა სახის ინფორმაცია.

9